

է : Ուղտի տանջուած վզին անց կացրած զանգալի նման նա կրել է մի քանի պարզութիւններ եւ անապատներ անցել :

Նկեւ է Ս-ը, նկարիչը :

Տաղանդաւոր եւ խորամանկ : Նոր-Նախիջևեանի գիւղերից : Առաւօտից մինչեւ երեկոյ իշխանութեան անդամներին է այցելում , սրա դուռը ծեծում , նրա դուռը ծեծում , պատկեր ծախում , դրամ ստանում , յօդուած աղերսում : Երեսին նայիս՝ համեստ է , բառերը ազնիւ են , միշտ էլ հայրենասիրութեան մասին է խօսում : Վա՛յ թէ իր շահերին դպչես՝ ամէն բան կ'անի , որ անօթի մեռնես : Իր հաստ դաւազանը ձեռքին , դռնէ դուռ , մարդէ մարդ , փոքրիկ խանութպաններին յատուկ՝ ոխ եւ նենգութիւն կը թափի :

Ու ներս են մտնում , մէկը միւսի ետեւից միւսները :

Տիրքան Ա-ն , երկարահասակ , բազուկները ջարդացի թեւերի պէս օդի մէջ շարժելով : Ուրիշների յաջողութեան ետեւից փոշիների մէջ թաւալուելով վազում է , մի քիչ կեանք է աղերսում : Նախկին «Ժողովրդական»՝ պատրաստ ամէն ցածութեան , դռնէր ցելին վարժ :

Գ-ն՝ նախկին մարդ , այսօր ճիգ է անում կարելիութիւնների դուռը ծեծելու : Մի տեսակ ողեւորութիւն է դնում դաժան ճակատագրի առջեւ : Փաստարան , դրամատուրգ , գործի մարդ : Ոստում է բառերը ուտելով եւ մի քիչ էլ թքնելով : Իր ասածներին չի հաւատում , ճիգ է անում ուրիշներին հաւատ ընծայել :

Ուրիշներ :

Մ-ն սուրճ է խմում , մի քիչ մտածում եւ ասում է .

— Եղբա՛յր , ե՞րբ պիտի առաջադիմենք . հարեւանս ամէն օր իր կինը ծեծում է , եւ «Կիրաթիւն» ուշադրութիւն չի դարձնում . . .

Տօլստոյը մի տեղ ասում է . . . Սիմֆոնիական երաժշտութեան պահանջ եմ դրում , ապրում ենք վայրենիների նման . թառը , վերջ ի վերջոյ , բարբարոսների գործիք է . . .

Գ-ն հակաճառում է : Մ-ն զայրանում է .

— Դա , միջնադարեան զաղափար է , նո՛ր , նո՛ր բան ասացէք . . .

Իրականի մէջ այդ «նոր»ը հին մի ցելս է , որի մէջ բարեկամս վաղուց մխրճուել է :

Գ-ն վախում է լրտեսներից եւ ամէն բոպէ

«կարմիր Մոսկուայի» անունն է տալիս : Մարդար աղան մօրուքի տակ ծիծաղում է : Ս-ն աչքով է անում եւ իրրեւ լաւ դիւանագէտ լըռում է :

\* \* \*

Արագածի շուրջը մեր գիւղացիները գետնափոր որջերի մէջ են ապրում : Պատուհանից փախում են :

— Մարդու ստեղծագործական թափը նրա հոգեկան պայծառութիւնով կարելի է չափել : Մօտենալ իրականութեան , առարկայական աշխարհին , չտեսի հետաքրքրութիւնով , դաւառացու սահմանափակ բաղձանքով , կամ իրապաշտ հաւատաւորի մոլեռանդ հաստատանք-տութիւնով , ասել է՝ լքել սեփականը եւ մըտերիմը , ներքին այն ներգաշնակութիւնը , որով կարելի է չափել տիեզերքը :

Ս-ն աչքերը անկում է սուրճի վրայ : Ա-ն բազուկները շարժում է օդի մէջ : Մ-ն ասում է .

— Չարմանում եմ , դուք եւրոպացիներդ սքօլաստիկ դադափարներից չէք ազատագրւում . . . Ռուս ժողովուրդը չես հասկանում . . . միամիտի բաներ ես ասում . . . Հասկացայ էլ . . .

Ես ասում եմ՝ ծառը իր արմատն է փնտռում :

\* \* \*

Մեր երկիրը դաժան է եւ անողոք : Նրա ամեհի , ժայռոտ լեռները , նրա ողբերգական անապատները , նրա անհորիզոն , իր մէջը կծկուած , խտադէմ կեցուածքը , նրա ծանր լուռութիւնը , խածել են մեր սիրտը եւ ուղեղը , կասեցրել մեր թափը եւ ծանր կապարի տակ , ճգմել մեր թռիչքը :

— Հողը պինդ ա , ասում է Մ-ն , ջուրը դպչում ա քարերին եւ չի թրջում : Արօրը փչրում ա . շինականի թեւը ծուռում :

Աշխարհից հեռու , ամայի այս բարձրաւանդակի վրայ՝ մենք բուք ենք հերկում եւ հեղեղ ցանում :

\* \* \*

Նկարիչ Ս-ն , Մոսկուայում նստած , երեւակայական արեւելեան բլուրներ էր նկարում , ոճաւորուած ուղտերով շրջապատուած : Վատվրոտն գոյների տակ , անկարելի լոյսեր՝ բոյսերին չտեսնուած թեւեր էին տալիս եւ ժայռերի վրայ ոսկիներ էին թափում : Արեւելեան , երազային դաշտանկարների միջից , կուժը դըր-